



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Broj: 06-45-5859/26
Sarajevo, 29.07.2026.godine

Na osnovu člana 90. stav (3) i člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22 i 50/24), te člana 70. stav (1) Zakona o organizaciji organa uprave u Federaciji BiH („Službene novine Federacije BiH“, broj: 35/05) i člana 45. Pravilnika o javnim nabavkama Zavoda za izgradnju Kantona Sarajevo („Službene novine Kantona Sarajevo“ broj 24/26 od 18.06.2026.godine),, direktor Zavoda za izgradnju Kantona Sarajevo d o n o s i:

ODLUKU
o prihvatanju ponude u postupku
direktnog sporazuma

I

Prihvata se ponuda ponuđača **IMTEC d.o.o. Sarajevo** nakon provedenog Direktnog sporazuma za nabavku usluga: **„Usluge održavanja, popravke računara i laptopa, sa nabavkom i ugradnjom rezervnih dijelova“** broj 0079/26-2 od 27.07.2026. godine, koja je zavedena na protokolu Zavoda za izgradnju Kantona Sarajevo pod brojem 45-5781 od 27.07.2026. godine sa cijenom ponude u iznosu od 2.269,23 KM bez uračunatog PDV-a, popust: 0,00 KM, iznos PDV-a je 385,77 KM, odnosno u ukupnom iznosu od 2.655,00 KM sa popustom i uračunatim PDV-om.

II

Sektor za računovodstvo i finansije se obavezuje da izabranom ponuđaču iz tačke I dispozitiva ove Odluke izda narudžbenicu shodno prihvaćenoj ponudi.

III

Izabrani ponuđač iz tačke I dispozitiva ove odluke dužan je izvršiti uslugu koja je predmet nabavke u roku od 30 radnih dana, računajući od dana prijema narudžbenice.

IV

Sektor za računovodstvo i finansije se obavezuje da izabranom ponuđaču iz tačke I dispozitiva ove Odluke izvrši plaćanje u roku od 60 dana od dana ispostavljanja računa/fakture.

V

Odluka stupa na snagu danom donošenja.

O b r a z l o ž e n j e

U skladu sa članom 18. stav (3) Zakona o javnim nabavkama („Službeni glasnik BiH“, broj: 39/14, 59/22 i 50/24), u postupku direktnog sporazuma ugovorni organ ne donosi odluku ili rješenje o pokretanju postupka javne nabavke u pisanom obliku.

Procijenjena vrijednost javne nabavke **„Usluge održavanja, popravke računara i laptopa, sa nabavkom i ugradnjom rezervnih dijelova“** iznosi 2.384,61 KM bez poreza na dodatnu vrijednost. Nabavka je planirana u Planu javnih nabavki Zavoda za izgradnju Kantona Sarajevo za 2026.godinu, redni broj 35 – usluge.

Sektor za katastar komunalnih uređaja i informacionih tehnologija je izvršio prethodno ispitivanje tržišta u skladu sa članom 14a. Zakona o javnim nabavkama i utvrdio da procijenjena vrijednost nije veća od odgovarajuće tržišne cijene, na osnovu čega je podnio Prijedlog za nabavku putem direktnog sporazuma broj I-04-INTERNO-581/26 od 03.07.2026. godine u postupku javne nabavke **„Usluge održavanja, popravke računara i laptopa, sa nabavkom i ugradnjom rezervnih dijelova“**.

Ugovorni organ je postupio u skladu sa članom 90. stav (2) Zakona o javnim nabavkama, te zatražio ponudu od 3 (tri) privredna subjekta i to: **Didakta d.o.o. Sarajevo, Imtec d.o.o. Sarajevo i Disti d.o.o. Sarajevo.**

Nakon isteka roka za dostavu ponude utvrđeno je da su se na Zahtjev za dostavu ponude odazvala 2 (dva) pozvana ponuđača. Računski ispravnu ponudu dostavili su sljedeći ponuđači:

1. **Imtec d.o.o. Sarajevo**.....u iznosu od 2.269,23 KM bez uračunatog PDV-a, popust: 0,00 KM, iznos PDV-a je 385,77 KM, odnosno u ukupnom iznosu od 2.655,00 KM sa popustom i uračunatim PDV-om;
2. **Disti d.o.o. Sarajevo**.....u iznosu od 2.296,00 KM bez uračunatog PDV-a, popust: 0,00 KM, iznos PDV-a je 390,32 KM, odnosno u ukupnom iznosu od 2.686,32 KM sa popustom i uračunatim PDV-om

Obzirom da su svi uslovi za nabavku usluga definisani u Zahtjevu za dostavu ponude i da je ponuđač **Imtec d.o.o. Sarajevo** dostavio prihvatljivu ponudu s najnižom cijenom, sa cijenom ponude u iznosu od 2.269,23 KM bez uračunatog PDV-a, popust: 0,00 KM, iznos PDV-a je 385,77 KM, odnosno u ukupnom iznosu od 2.655,00 KM sa popustom i uračunatim PDV-om, ugovorni organ je istu prihvatio i dodjeljuje ugovor ponuđaču iz tačke I dispozitiva ove Odluke, u skladu sa članom 64. stav (1) tačka b) Zakona o javnim nabavkama („Službeni glasnik BiH“ br.39/14,59/22 i 50/24)

Sektor za računovodstvo i finansije će izabranom ponuđaču izdati narudžbenicu shodno prihvaćenoj ponudi. Plaćanje za izvršene usluge izvršit će se u roku od 60 dana od dana ispostavljanja računa/fakture. Izabrani ponuđač dužan je izvršiti uslugu u roku od 30 radnih dana, računajući od dana prijema narudžbenice.

POUKA O PRAVNOM LIJEKU: Protiv ove odluke žalba nije dopuštena, u skladu sa članom 101. stav (6) Zakona o javnim nabavkama.

Pripremila: Alma Marić, dipl. pravnik
Kontrolisala: Vildana Zeba Viteškić, dipl. pravnik

Direktor
Belma Barlov, dipl.ing.arh.

Dostaviti:

1. **Imtec d.o.o. Sarajevo**, putem e-maila: info@imtec.ba; mirnes.zukic@imtec.ba;
2. **Disti d.o.o. sarajevo**, putem e-maila: adnan.dip@disti.ba;
3. Sektor za računovodstvo i finansije
4. Sektor za javne nabavke, kadrovske i opće poslove
5. Direktor Zavoda za izgradnju KS;
6. a/a;